

1. Murid baca dengan bertajwid
2. 205. Dan sebutlah nama Tuhanmu dalam hatimu, dengan merendah diri serta dengan perasaan takut dan dengan tidak meninggikan suara, pada waktu pagi dan petang dan janganlah kamu termasuk orang yang lalai.  
206. Sesungguhnya malaikat yang ada di sisi Tuhanmu tidak berasa enggan menyembah Allah dan mereka pula bertasbih kepada-Nya dan kepada-Nyalah jua mereka sujud.
3. Allah SWT memerintahkan supaya umat Islam berzikir dengan rendah diri dan rasa takut pada waktu pagi dan petang serta mencontohi para malaikat yang sentiasa taat dan patuh kepada perintah Allah SWT.
4. Bahasa: Ingat  
Sarak: Mengingati Allah SWT sama ada melalui hati atau lisan
5. Adab berzikir:
  - (a) Dengan penuh takut kepada Allah SWT
  - (b) Berzikir dengan suara yang lembut
  - (c) Merendah diri kepada Allah SWT

Peranan zikir:

  - (a) Memberi petunjuk ke jalan yang benar
  - (b) Mententeramkan hati
  - (c) Melindungi diri daripada maksiat Allah SWT
6.
  - (a) Zikir malaikat tidak bertambah dan tidak berkurang
  - (b) Konsentrasi zikir tetap berkurang
  - (c) Zikir malaikat sebagai tanda ketaatan dan kebesaran Allah SWT
7. Aktiviti murid

### POWER PT3

#### Bahagian B

1.
  - (i) berzikir
  - (ii) syukur
  - (iii) tenang
  - (iv) malaikat
- (b) Berzikir memberi banyak manfaat kepada masyarakat. Misalnya, melahirkan masyarakat yang mudah dan lembut hati untuk beribadat kepada Allah SWT seperti solat berjemaah di surau dan bergotong-royong bersama jiran tetangga.
- (c) Salah satu jalan untuk mengingati Allah SWT ialah dengan berzikir. Hal ini menyebabkan umat Islam digalakkan untuk memperbanyakkan berzikir kepada Allah SWT jika mahu hampir kepada-Nya. Dengan berzikir juga boleh menjauhkan diri kita dari bersikap lalai dan lupa kepada Allah SWT, boleh meluruskan fikiran dan hati untuk terus mematuhi perintah-Nya dan menjauhi larangan-Nya.

### POWER KBAT

1. Hal ini kerana seseorang itu tidak dididik sejak kecil tentang kepentingan berzikir. Keadaan ini menyebabkan dirinya tidak prihatin sehingga mengabaikan amalan berzikir. Oleh itu, kita hendaklah sentiasa mengingati Allah dengan mengamalkan berzikir dalam kehidupan harian.
2. Sentiasa mengingati Allah SWT dengan ikhlas dapat mengekang diri daripada lalai dengan kehidupan dan membentuk rasa takut dalam diri untuk melakukan maksiat kerana menyedari bahawa Allah sentiasa melihat setiap tindakan yang dilakukan. Keadaan ini secara tidak langsung dapat mengurangkan masalah gejala sosial dalam negara. Oleh itu, kita hendaklah sentiasa memperbanyakkan berzikir supaya tidak terpengaruh dengan tipu daya syaitan.
3. Kebahagiaan para mukmin adalah datangnya daripada hati yang tenang dan tenteram. Hati yang tenang pula hanya akan mampu dikecapi oleh jiwa yang sentiasa mengingati Allah dalam setiap detik kehidupan. Apabila zikir melalui dimensi lidah, hati dan amal ini dilaksanakan dengan sempurna, maka hati seseorang itu akan merasakan nilai kehambaan yang tinggi, rasa bertuhan, merasakan ketenangan dan kebahagiaan hati, memahami takdir Allah dalam kehidupannya malah bersikap reda dalam menerima sebarang ujian dari-Nya.